



**Protocol dalla radunanza generala 2026**  
**Dall`Uniun Rumantscha Grischun Central (URGC)**  
**igls 26-03-2026, allas 20.00 ouras an l`ustareia Alpina a Salouf.**

Preschaint:as: 8 votant:as, 3 suprastant:as, 1 pressa, 3 giasts

Stgis:adas: Cornelia Candraia, Marc Decurtins, Markus Solinger, Carmen Caspar, Johann Clopath, Simon Egger, Martina Cantieni, Filip Dosch, Pia Plaz

**1. Bavagnaint**

La presidenta Gierina Michael, benevainta tot igls preschaints cordialmaintg. Ella fò ena curta survista digl decurs dalla seira.

Siva dallas tractandas dalla radunanza generala, èn tots anvidos ed anvidadas da tadlar quatter canzungs preschentadas dalla cantadoura Saskia Demarmels.

En bavegna spezial fò el ad Urezza Famos, la co-presidenta da la Lia. Patric Vincenz igl represchentant digl Grischun Central ainten la suprastanza dalla Lia ed a Simona Demarmels la promotoura regiunala digl Grischun Central. Ed angraztga tg`ella discargia la suprastanza cun screiver igl protocol dalla radunanza generala.

**2. Elecziun d`en dombravouschs**

Gian Sonder vign proponia ed eligia unanimaintg

**3. Approvar igl protocol dalla davosa radunanza generala**

Igl protocol è publitgia sen la pagina da web. Angraztgond vign el approvo unanimaintg.

Gierina menziunescha tg`igl protocol vign er chest`eda scretg da Simona Demarmels.

**4. Approvar igl rapport annual 2025**

La presidenta Gierina Michael preligia igl rapport, tg`è er publitgia sen [www.urgc.ch](http://www.urgc.ch) ed an la “Revista digl noss Sulom 2026/2”. Igl rapport vign approvo unanimaintg.

## 5. Approvar igl rendachint 2025 ed igl rapport digls revisours

Patric Vincenz preschainta igl chint digl onn 2025. Igl chint sera cun en gudogn da CHF +1648.67. La somma da bilantscha monta a CHF 73'563.96. Igl rapport digls revisours preligia Beat Jenal. El propona d'approvar igl rendachint e da discarger la suprastanza. Chegl succeda unanim.

## 6. Elecziuns: dus suprastant:as

- Situaziun actuala: Simona Demarmels ò demissiuno scu co-presidenta per fegn 2024, causa alla sia professiun scu promotoura regiunala Grischun Central, per la Lia Rumantscha.

Mademamaintg ò Flavio Guetg demissiuno dalla RG 2025, scu suprastant. Chels dus posts èn oramai gio en onn vacants. Pi anavant less Gierina Michael sa retrer digl co-presidi ma esser venavant part dalla suprastanza dal`uniun. La suprastanza fò perchegl la proposta d`eliger Linard Candreia scu president dal`URGC. Linard C. sa preschainta persunal a las persungas preschaintas e menziunescha tgi igls sies intent principal da surpiglier chest presidi seia da cattar igls proxims treis onns dus persungas giovnas tgi surpeglian igls posts vacants ainten l`uniun. Igl seia da survantscher l`indifferenza. Pi anavant less el esser preschaint cun l`uniun an moda da preschentaziuns e seiras da cuminanza. El vign eligia unanimaintg.

-Patric Vincenz ò disdetg igl sies post ainten la suprastanza dalla Lia Rumantscha. El è oramai angal ple anfignen tar la proxima radunanza da delegos e delegadas digls 20da zarcladour 2026 an uffezi. Ma el magna anavant l`administraziun dal`URGC tg`è surdada an en mandat a Bunafè, la firma da Patric Vincenz. Chegl per garanteir igl manaschi (p. ex. chints per la "Revista digl Sulom"/ chints per la contribuziun annuala e.u.a.). Chesta maseira dess er discarger la suprastanza anc adegna redutgeida.

Gierina angraztga a Patric Vincenz per igl sies angaschamaint e surdat en regal da cumgio. Patric preschainta alloura igl candidat per igl sies post an la suprastanza dalla Lia Rumantscha: Leo Thomann. L`elecziun da Leo T. ò alloura pir li il igl zarcladour tras las delegadas ed igl delegos dalla Lia Rumantscha.

## Discussiun:

Gian Sonder: *menziunescha tgi el vei en potenzial da conflict tar Leo T. scu president dal`URS e suprastant tar la LR. Cunzont schi vo per reportaziuns independentas. El menziunescha scu exaimpel igl tema rumantsch grischun.*

Patric Vincenz: *fò attent tgi la rumantscheia vegia tenor igls sies meini mengia bleras differentas uniuns. Chegl procura er per la sfeida da mancanzas da persunal. Cunchegl tgi Leo seia alloura preschaint ainten tottas treis*

*uniuns ins sabgia catter la veia ainten la collavuraziun. La independenza schurnalista seia betg an priewel.*

*Cuncheigl tgi la redacziun vigna fatga dalla FMR. Igls avantatg prevalan igls dischavantatgs.*

*Urezza Famos: la suprastanza dalla LR seia fitg surlingeida d'aveir catto ensatgi pigl post vacant. Cunzont cun er aveir observo chestas tschertgas intensivadas da divers posts aint igl GC. Pi anavant è la nova strategia dalla LR an la fasa dal `implementaziun percheigl seia ella persuadeida tg`ins sabgia profitar dalla gronda experientscha da Leo. Ed er ella giaveischa daple dialogs aint igl mond rumantsch e vei percheigl igls sies post aint igl presidi dal`URS scu en avantatg. Urezza agiunta alloura tgi rumantsch grischun seia ainten la suprastanza dalla LR nign tema ple. Cheigl seia ena cunvegna an suprastanza. I detta cleras prescripziuns cura far adiever da rumantsch grischun e cura digls idioms. Tenor chegl vigna luvro. I detta oz otras sfeidas tgi stobgian neir tractandadas.*

## **7. Fixar igl program d'activitads 2026**

Fegnameiras pigl onn 2026

- Edeir la Revista digl noss Sulom, redacziun separat. Ma tschartger soluziuns per sbassar igls costs, sainza perder l'attractivada digl product.
- Cuntinuar cun l'acziun: reparteir codeschs per unfants dalla scoligna
- Collavuraziun cun la cuminanza dalla Val Schons: giogl agl liber, concert cugls unfants da scola cun canzungs tradiziunalas, occurrenza cun poesias da Gion Mani
- Sustignair las uniuns digls giovens tar lour translaziuns da teaters
- Sustignair la biblioteca Savognin cun las prelecziuns da codeschs per unfants. Project "naschia per liger"
- Manar igls Cafés rumantschs an la Sutselva
- Sustignair igls cumegns tigl adiever digl rumantsch
- tschertga dad en:a supstant:as
- promover la litteratura cun diversas seiradas d`omagi per scrivent:as surmiran:as

Igls preschaints acceptan igl program ed igl sustignan unanimaintg.

## **8. Approvar igl preventiv 2026**

Patric Vincenz, preschainta igl preventiv tgi prevei antradas da 43`150 francs e sorteidas da 47`900 francs. Igl preventiv vign approvo unanimaintg, er sch'el prevei en deficit.

## 9. Fixar las contribuziuns annualas 2026

Las contribuziuns da commembers, tgi montan a CHF 30.- per singuls, CHF 50.- per conjugals, per collectivs e persungas giuridicas, restan scu anfignen a daco.

## 10. Varia

Gierina Michael surdat igl pled allas commembras ed agls commembers.

Mathias Kunfermann:

*-rapporta tg`igl Café rumantsch a Masagn è en grond success, la participaziun è mintgamai tranter 20-30 persungas*

*-annunzta tgi seia planiso en project sur digl artist, cumponist e pour da muntogna Christian Tscharner. Chegl per rumantsch da Veulden*

*-annunzta tg`igl project Articular ò danovamaintg li igls 25 - 27 da settember ad Alvaschagn. Igl seia sto en grond success e geia anavant.*

Gian Sonder: *dei tgi la mancanza da personal seia ena gronda sfeida pigl rumantsch. El veia chegl scu supprastant dalla URS tar la tschertga da redactours per la Pagina da Surmeir. El fò er attent alla observaziun tg`el ò fatg: tar RTR vignan transmessa bler pi pacas canzungs surmiranas anvers sursilvanas u ladinas. El supplitgescha l`uniun dad intervigneir tar da chels cass.*

Simona Demarmels: *dei tg`ella fetscha part agl cunsegl digl publicum dalla SRG SSR e plazzescha chesta observaziun tigl schefredactour da RTR.*

Gierina Michael: *giaveischa tgi las persungas drezzan lour observaziuns an general gist tar las instituziuns correspondentas. Chegl fetscha duple effect e l`uniun saptga alloura intervigneir schi las raspostas u la reacziun dallas instituziuns seian betg cuntantenlas.*

Romano Plaz: *fò attent tgi la Lia Rumantscha seia mengia pac preschainta an las regiuns. E drezza las sias purscheidas mengia pac a persungas giovanas.*

Gierina Michael angraztga a tots per neir ed anveida an nom dal`URGC tot igls:las preschaint:as agl concert da Saskia Demarmels e siva da chel ad en aperitiv.

Fegn dalla radunanza allas 21.30 ouras

Cunter, igls 01-04-2026

Simona Demarmels